

Sanglinz Yen:

Aen Ranzcoj Bouxcuengh Ciz Yazgwz Ceiq Lienh Ndeu

上林：徐霞客最眷恋的壮族老家

□ Cinghveih Linz Nanz

Fukveh doengnaz gyaendei raeuh.

Daj Namzningz yiengq baihsaebaek hai ci bae daih'iek 80 goengleix, couh daengz suenva raeblaeng Namzningz funghgingj gyaendei haenx—ranzcoj Bouxcuengh Yienh Sanglinz.

Ciuhmingz satbyai boux diliy yozgyah, boux youzcet okmingz Ciz Yazgwz, yungh 30 bi seizgan youzcet daengx guek 21 aen swngj gvaq, dawz gij gingj gij saeh de youq gwnz loh youzcet yawjraen dingqnyl haenx sij baenz 《Youzgeiq Ciz Yazgwz》 bonj saw gunh 260 fanh cih saw ndeu. Ndawde de youq Sanglinz seizgan ceiq nanz, youq le 54 ngoenz, youq bonj saw 《Youzgeiq Ciz Yazgwz》 louzcienz daengz seizneix lw miz 60 fanh cih saw haenx ndawde miz 16000 lai cih cienmonz sij Yienh Sanglinz.

Naengh youq gwnz aen ruz iq ndeu, riengz aen sokraemx geq Ciz Yazgwz bihaenx youzcet gvaq doxhwnj, gij raemx sawdikdik yawjraen daej, seiz mbouj seiz miz bya iq youz bae youz dauq, raemx lae seiz

gip seiz menh, song hamq dah ndoeng faexcuk youq daenggoenz banhaemh seizcou ingj baihlaj funghgingj gag miz gij saek ndei de. Diuz dah neix couh dwg Dahcinghsuij, dwg diuz dahmeh Yienh Sanglinz, vang con gvaq daengx yienh Sanglinz. Gwnz Dahcinghsuij “Samleix · Yiengzdoh Ginggih” soqlaiz miz aen cwnghueh “Gveilinz iq” neix.

Ndaw Yienh Sanglinz, gingj ndei lai yinx hekyouz. Byacwx habngamj lienhdang ciengxndang, Dalungzhuz lumj Gveilinz gwnz raemx, rizgeq Cicwngz “Singzcuengh”, Huzmehlungz, Huzyinzlij, Huzginhlenz caeuq Mbanjgumjngz raemx saw gingj gyaue faex raemh ranz geq ndaej heuhguh “sam huz mbanj ndeu”、“mbanj canghyienz” Buguh Cunh daengj dieggingj riuizmingz doh gwnzbiengz. Dieg gyaue ok doxgaiq ndei, gij haeuxndei, oij, reh, batgak, mbawcaz, yiengzbya'ndaem, bya Dahcinghsuij Sanglinz hawj vunz dwen daengz myaiz raengh, ndawde haeuxndei, batgak ndaej lied haeu

canjbinj baujhoh deihleix biuceiq guekgya. Dieg gaeuqgeq daejrom vwnzva hix caemh nanwt, vwnzva Mehlungz, vwnzva Dohhozgoeng, vwnzva fanhsouhgoeng, vwnzva hei-goengsae, vwnzva Ciz Yazgwz, vwnzva sigbei Ciuhdangz Singzdangz doengh gij vwnzva fungsug lizsij neix lai cungj lai yiengh goek laeg riz geq.

Doengh bi neix daeuj, Sanglinz hopheux “swnghdai guh goek, saekloeg hwnghwnj, lijyouz hoengh yienh, caez yiengj siujgangh” muzbyauh dinghvi, guh ndei bien faenzcieng “ranzcoj Bouxcuengh · Sanglinz ciengxndang”, hwnj ginggih, vat daegsaek, ca fugsah, laeb binjbaiz, comz rengz cauxguh aenyienh lijyouz daegsaek Guengjsae gag miz daegsaek bonjfaenh haenx, aeundaej cingzyauq yienhda, mboengqneix ndaej bauq hawj Swcigh Yinzminz Cwngfuj baecinj soengq hawj aen cwnghauh “aenyienh mizmingz lijyouz daegsaek Guengjsae”.



▲ Mehmbwk seujguh “Dohhozgoeng” mbaenj fuk.



▲ Gyoengqsau angq diuq fouxsaux.



▲ Diuq fouxgyonghwet angqyangz lai.




▲ Mbanjgumjngz gaeuqgeq yinx hek.



▲ Goengqbya lienzrangh baenz fukveh maengdaem.



▲ “Foux haj lungz” Bouxcuengh yienj vwnzva gaeuqgeq.



▲ Yasuiyenz byonghbya habngamj ciengxndang.